

ՀԱՂՈՐԴՈՒՄՆԵՐ ԵՎ ՀՐԱՊԱՐԱԿՈՒՄՆԵՐ

Վ. Ա. Գաբրիելյան

ՌՈՒԲԵՆ ՈՐԲԵՐՅԱՆԸ ԵՎ ՍՓՅՈՒՌՔԱՀԱՅՈՒԹՅԱՆ ՀԱՄԱՀԱՎԱՔԸ

(Կյանքի և ստեղծագործության վերջին շրջանը)

Դարավերջի տասնամյակում և մեր դարի սկզբում ապրեց ու ստեղծագործեց արևմտահայ բանաստեղծների մի հիանալի խումբ, իսկական տաղանդների մի հույլ՝ Դանիել Վարուժան, Միսաք Մեծարենց, Սիամանթո, Ռուբեն Որբերյան, Ռուբեն Սևակ, Վահան Թևքեյան։ Ռուբեն Որբերյանը տարիքով ամենից ավագն էր այս խմբում։

Կյանքի խառը ժամանակաշրջան ապրեց բանաստեղծը, մեծ դեպքերի ու փոփոխությունների ականատես եղավ, հետևաբար և՛ հոգեպես ու թախծոտ, և՛ մեղմ վշտի ու կարոտի, և՛ բողբոջի ու ըմբոստացման երգերի լարեր հրնչեցրեց։ Նա աշխարհայացքային հակասություններ ապրեց, բայց մնաց որպես առաջադեմ ու լավատես ստեղծագործող։ Որբերյանը հեղինակ է պոեմի ու բանաստեղծության, վիպակի ու նովելի, մեմուարների ու զրախոսությունների, հրապարակախոսական հոդվածների ու թարգմանությունների։

Ռուբեն Որբերյանը ծնվել է Արևմտահայաստանի Մալաթիայում, 1874 թ. ավարտել է խարբերդի Եփրատ կոլեջը, ուսուցչությամբ ու առևտրով զբաղվել Պոլսում, Իզմիրում, ապա Աֆրիկայի Զիբուդի քաղաքում ու Փարիզում։ Բանաստեղծ-քաղաքացին տարբեր վայրերում ականատես եղավ հայ կյանքի ու համաշխարհային մեծ ողբերգությունների՝ կոտորածների ու պատերազմների, սոցիալական վերափոխումներ տեսավ, ու նրա աշխարհայացքը դրանց համապատասխանաբար փոփոխվեց։

1920 թ. նա Զիբուդիից Փարիզ մեկնեց, ուր ապրեց մինչև իր կյանքի վերջը՝ 1931 թ. հունվարը։ Նրա կյանքի ու ստեղծագործության այդ տասնամյակին է նվիրված այս հոդվածը։

Տասը տարիների կյանքը Փարիզում, հիվանդության պատճառով գրական-հասարակական գործունեության տեսակետից, մեծ աշխուժությամբ չի անցել։ Սակայն հասարակական-գրական բուռն կյանքով ապրած բանաստեղծը չէր կարող լրիվ մեկուսանալ, մանավանդ Փարիզում, ուր այդ տարիներին հայության թիվը մեծ էր։ Նա մասնակցում է գրական-հասարակական կյանքին, բարեգործական ընկերությունների աշխատանքներին, Փարիզում հիմնում է Առաքինության մրցանակների տոներ։

Աշխարհայացքային նրա հակասությունները բխում էին զլխավորապես կյանքից կտրված և քաղաքական այս կամ այն հոսանքին ու զաղափարներին միայն հեռակա ծանոթ լինելուց։ Բայց նա ունեցավ սևփական աշխարհայացք, որը, սակայն, որոշ կողմերով համընկնում էր իշխող առանձին տե-

սակետներին: Կյանքի վերջին տասնամյակում Որբերյանի աշխարհայացքի մեջ որոշակի պարզություն մտավ:

20-ական թվականների երկրորդ կեսում, արդեն խորհրդային Հայաստանին հեռվից ծանոթ Որբերյանն, այն համարում է միակ հայրենիքը, որ կարող է Մայր կոչվել, և հանդում այն հետևության, որ հայ ժողովուրդը պետք է ընթանա սոցիալիստական հասարակարգ կառուցելու ճամփով:

Որբերյանը դառնում է Հայաստանում հաստատված խորհրդային կարգերի և նրա առավելությունների համոզված պաշտպաններից մեկն արտասահմանում: Խորհրդային Հայաստանի հասցեին դաշնակա վանտյուրիստների վայրահաշ հարձակումների պայմաններում, Որբերյանը ճշտորեն և համարձակությամբ է պաշտպանում խորհրդային Հայաստանի շահերը: Նա խոր համոզմամբ (մի խումբ մտավորականների հետ միասին) բողոքի ձայն է բարձրացնում խորհրդային Հայաստանի հասցեին լուտանքներ թափող դաշնակցական գործիչ Ա. Ահարոնյանի դեմ:

Հայտնի է, որ 1926 թ. Փարիզի «Ապագա» շաբաթաթերթում տպագրվում է «Բողոք» վերնագրով մի հայտարարություն, որի տակ ստորագրել էին փարիզաբնակ հայ գրողներ ու մտավորականներ՝ Շիրվանզադեն, Ա. Զոպանյանը, Տ. Կամսարականը, Ռ. Որբերյանը, Լ. Բաշալյանը, Վ. Մալեզյանը և ուրիշներ (թվով 14 հոգի): Հայտարարությունն ուղղված էր դաշնակցական գործիչ Ա. Ահարոնյանի մի հողվածի դեմ, որը լի էր խորհրդային Հայաստանի ղեկավարների և խորհրդային Հայաստանի հասցեին ուղղված հայհույանքներով:

Ծճարտությունը և հայրենիքը սիրող մտավորականները չէին կարող լուրջամբ անցնել և հանդես եկան մամուլում: «Բողոքը» «Ապագայից» արտատպվեց արտասահմանի հայ առաջավոր մամուլում և լայն արձագանք գտավ: Նրա հեղինակները գրում են.

«Արտասահմանի գործիչներու որոշ խումբ մը ատենն միվեր կը ձգտի մամուլի ու բանախոսության միջոցով ժողովուրդը համոզել թե խորհրդային Հայաստանի մեջ կատարվող վերաշինական ճիգերու մասին ըսվածները հերյուրածո են, թե Հայաստան մը գոյություն իսկ չունի այսօր, թե եղածը գերի երկիր մըն է... և այլն: Այդ կուսակցամոլ և անձնամոլ գործիչներեն մին (Ա. Ահարոնյանը—Վ. Գ.) վերջերս այս ոգով մղված պայքարը իր գերազույն չափագանցության հասցուց... Ստորագրյալներս, որ մեծ մասամբ չենք պատկանիր որևէ կուսակցության կամ կը պատկանինք կուսակցության մը, որուն ծրագիրը որոշ կետերու մեջ կը տարբերվի Հայաստանի ղեկավարներուն կուսակցության ծրագրեն, ճճարտությունն այնքան խորապես կը սիրենք, որքան մեր ազգը: Մենք պարտք կը համարենք հանուն հայ մտավորականության, բողոքել այս ազգավնաս ընթացքին դեմ, որ կը կոխոտն ճճարտությունը, կը զրպարտն ու կանարգն Հայաստանի վարիչներն... ու անոնյ մոտիկ ու հեռավոր բոլոր աջակիցներն ու համակիրները»¹:

Անուհետև նրանք դատապարտում են այդ արարքը նաև նրա համար, որ արտասահմանի հայության մեջ «վհատություն ու լքում կը ջանա առաջ բերել», որովհետև «մեզ համար անհերքելի իրողություն մըն է, որ Հայաստան մը

¹ «Ապագա», Փարիզ, 1926, փետրվարի 13:

գոյություն ունի այսօր: Մենք համոզված ենք, որ ան իր գոյությունը կրճապահպանել ու զարգացնել միայն Խորհրդային Միության հետ դաշնակցած»²:

«Բողոքի» հեղինակների, նրանց թվում նաև Որբերյանի համար «հրճվեցուցիչ ու սրտապնդիչ ճշմարտություն մըն է» Հայաստանի շինարարական ու մտավոր նոր վերելքը: Նրանք դատապարտում են դաշնակցականի այդ պրովոկացիան՝ այն համարելով «մեր ազգին բարձրագույն շահերուն վնասող անհանդուրժելի դաշնակցություն մը»:

Միանգամայն պարզ են հոգվածի հեղինակների քաղաքական համոզումները, սերն ու հավատը իրենց Մայր Հայրենիքի՝ Խորհրդային Հայաստանի հանդեպ: Միանալով նրանց Որբերյանը հանդես է բերում իր հավատն ու համոզումը Խորհրդային կարգերի նկատմամբ: Դա անցողիկ բնույթ չունի: Հետագայում՝ 1928 թ. իր մի հոգվածում նա կրկին ամբողջ սրտով պաշտպանում է իր այդ համոզումները:

Խորհրդային Հայաստանի 8-րդ տարեդարձի առթիվ Փարիզի «Նրևան» թերթը մի շարք մտավորականների հրավիրում է իրենց կարծիքները հայտնել Խորհրդային Հայաստանի մասին: Այլոց շարքում «Նրևանի» հարցարանին պատասխանում է նաև Ռ. Որբերյանը:

Այս հոգվածը ամենից ավելի է բնորոշում Որբերյանի հայացքներն այդ ժամանակի ու գալիք օրերի, հայ ժողովրդի պատմության հետագա ընթացքի մասին: Որբերյանը գրում է.

«Հաճած եք զիս ալ հրավիրել, որ կարծիքս բանաձևեմ «այն նվաճումներու մասին, որոնք կատարված են Խ. Հայաստանին մեջ այս ութը տարիներու ընթացքին»: Գրականության կամ բանաստեղծության մարզերուն մեջ կը փափաքեի մոտեն հետևած ըլլալ այն սթանչելի վերելքին, զոր ձեր թերթին սյունակներուն մեջ քանի անգամներ կը շողացնէք: Կը ցավիմ որ արտասահմանի շատ հայերու պես անծանոթ մնացած եմ այդ շարժումին, կարող չըլլալով վարժվիլ նոր ուղղագրության: Կարելի է նոր սերունդ մը մերինն ավելի բարեբաղդ՝ խառնվի նոր խանդավառ թռիչներու: Գալով «նվաճումներուն» անոնք երկուքի կը բաժնվին: Նյութական և բարոյական: Համայնավարական մաֆուր սկզբունքներու կիրառումը, պատմության մեջ աննախընթաց այդ փորձը՝ բարեբաղ առդյունքներ տվալ մեր հայրենյաց համար և անխառն հիացումով է որ կը դիտեմ շինարարական բազմաթիվ ձեռնարկումներու իրականացումը Ս. Խ. Հ. Մ-ի եղբայրական հզոր ու անվերապահ աջակցությամբ: Նույն խանդաղատ հիացումը ունիմ նաև ազգամիջյան խաղաղության համար. զոր կը դավանիմ Խ. Հայաստանի վարիչներուն գերագույն նվաճումը և որ դրախտի վերածել սկսավ փոքր ազգերու այն խառնարանը, որ Կովկաս կը կոչվի: Իսկ համամարդկային եղբայրակցության սկզբունքներու դավանանքը նոր բան մը չէր մեր ցեղին համար: Ավանդական, գրեթե ճակատագրական է հայ հոգիին խոյանքը դեպի գեղեցիկ, հեռավոր ու շատ անգամ անիրականանալի իտեալներ:

Միակ մտածումը, որ կը տխրեցնե վիս, սա է, թե մեզի չի տրվեցավ մասնակից ըլլալ վերաշինության այդ խելահեղ ճիգերուն: Կաթիլ մըն ալ մենք չի խառնեցինք մեր եղբայրների քրտինքին...»³:

Ակնառու է, որ այս փոքրիկ հոգվածում ճշտորեն է ներկայացված մեր

² Նույն տեղում (ընդգծումները մերն են—Վ. Գ.):

³ «Նրևան», Փարիզ, 1928, դեկտեմբերի 9 (ընդգծումները մերն են—Վ. Գ.):

ժողովրդի և՛ անցյալը, և՛ ներկան, և՛ նրա բռնած ճիշտ ուղին ու ժողովրդի հավերժության գաղափարը:

Իր մի հուշում Որբերյանը խոսելով Խորհրդային հայրենիքի մասին, վերջում ավելացնում է. «...Հոս բանաստեղծը մեկ կողմ կը դնե այլևս իր քնարը, նայվածքը դարձնելու համար հեռավոր հայրենիքը, որ կվերածնի այսօր: Կենսունակ և առողջ սերունդ մը կը դեզերի Մայր, տարագրության ճամբաներուն վրա: Բաց գիրկդ, Մայր, քու սիրազեղ գիրկընդխառնումիդ և անուշ համբույրիդ կարոտով, ալ բավ մխեցին ու այրեցան մեր հոգիներ... Սրտերը վեր և հառաջ դեպի հայրենիք, իմ հոգիի ազնիվ ընկերներ»⁴:

1926 թվակիր այս տողերը որոշակիորեն ցույց են տալիս, որ Որբերյանը հայերի համահավաքի, հայրենիք դառնալու կոչ է անում սփյուռքահայ իր բախտակիցներին:

* * *

Հայտնի է, որ Որբերյանի վերջին գիրքը՝ «Ովասիսը» լույս է տեսել 1920 թ.: Այնուհետև, կյանքի վերջին տասնամյակի նրա ստեղծագործության մասին քիչ բան է հայտնի: Ժամանակի մամուլում պրպտումներից և Որբերյանի հարազատների հետ նամակագրությունից հետո մեզ հայտնի դարձան նրա մի շարք գործեր, որոնց մեջ՝ մոտ երեք տասնյակ բանաստեղծություններ (մի մասը անտիպ): Այդ բանաստեղծություններն, անշուշտ, այն ամբողջությունը չեն, որ դուրս են եկել նրա գրչի տակից, բայց դրանց ուսումնասիրությունը բերում է որոշ եզրակացությունների: Հայրենասիրության, հայրենակարոտության (պանդխտության) ու հայրենիքի ազատության թեմայով Որբերյանի վերջին շրջանի բանաստեղծություններին ավելանում են օտար երկրներում սփռված հայության ճակատագրի, օտար ձուլումից խուսափելու, հայրենիք՝ Խորհրդային Հայաստան վերադառնալու հարցերը: Գաղափարական տեսակետից՝ նրա իդեալի անորոշությունը կոնկրետություն է ստանում և մտքի թափառումները իջնում են իրական հողի վրա: Հոռետեսությունը կամաց-կամաց աղոտանում է, հավատը՝ թանձրանում, թեև երբեմն-երբեմն այն տատանման շեշտեր է ընդունում: Որբերյանն իր հայացքը վերջնականապես դարձնում է դեպի հայրենի բնաշխարհը, դեպի Արագած:

Այդ տրամագրության և գաղափարի ծնունդ է «Կարոտագին այց» բանաստեղծությունը⁵, որ կրում է «Պատասխան Լոնկֆելդյին» ենթավերնագիրը: Դա հույզերի ու մտքերի մի ամփոփում է, որ բացահայտում է հեղինակի մտորումները: Երանի տալով նրանց, որ իրենց տունն ու օջախն ունեն, որ հայրենակարոտ չեն, որոնց հոգեկան անդորրը հիշատակների վերականգնումն է լուկ, բանաստեղծն իր՝ տարագիր հայի մորմոքն է հայտնում, տենչում փայփայված երազների իրականացման օրը:

Հյուղակ մը կա Արագածի լանջին վրան,
Այնտեղ օճախ մը, քովն աթոռ մը թափուր,
Դուռը բաց է և կիսափակ պատուհան,
Ուր կսպասե ալևոր Մայր Հայաստան,
Իր տարագիր զավակներուն հեռավոր:

⁴ Թ. և Ռ. Ղ. Կ. Ամենուն տարեցույցը, 1927, էջ 187:

⁵ «Հայաստանի կոչնակ», 1928, էջ 817:

Եվ շատ բնական է, որ երկար տանջանքներ տեսած, բայց ազատ Հայրենիքի կարոտ պանդուխտ հայը մի պահ չի հավատում, որ կարող է ազատ Հայրենիք ունենալ: Ու թեև սրտի խորքում հավատացած է, որ այն գոյություն ունի, բայց էլի հարցնում է, հարցնում է, որ հաստատի իր իմացածը:

Մո՞տ է առտուն, ըսե, ով Մայր կաթոգին,
Կարմիր աստղեն եկա՞վ հույսի մի նշույլ,
Բուրաստանիդ մեջ վարդենիք կը ծաղկի՞ն,
...Անհետացա՞ն մղձավանջներն մեզ մաշող,
Բոսորին տակ պայծառաշող երկինքին...

Երգչին հայտնի է այս հարցի պատասխանը: Նա գիտե նաև իր անելիքը և Մայր Հայրենիքին իր դարձի խոսքն է ուղղում, հաստատ համոզումով, թե՝

Կարոտակեզ զավակդ քեզ պիտի գա,
Զի մարեցավ դեռ հոգվույն խորն հույսի հուր
Ու կը հավտա գարուններուն ապագա....

Բանաստեղծը պահել է իր հոգու խորքում հույսի հուրը և հավատում է ապագա գարուններին: Ավելին, նա ապագա գարուններին ոչ թե մշուշոտ ու ևթերային երազներով է հավատում, այլ

...Հայ երգիչին բանտն ու շղթան,
Երազի պես կանհետանան,
Նոր հմայքով մ'երանավետ:
Ան շսպասեր ստվեր, ոգի,
Հոս են երկինք, հոս իրական
Նոր կյանք մ'ուժեղ ու տիրական
Նոր բարձունքի մը կը հանգի...

Երգչի երազն իրականություն է դարձել, և դա Արագածի լանջին փռված իր Հայրենիքն է, որն իր գիրկն է կանչում աշխարհով մեկ սփռված տարագիր հայությունը:

Բանաստեղծությունն արժեքավորվում է հենց այն բանով, որ ճիշտ է պատասխանում պատմականորեն մի շատ կարևոր հարցի՝ հայության համահավաքին:

Բանաստեղծության առողջ գաղափարը պարուրված է ութմի ու սահունության, պատկերավոր լեզվի միահյուս թաղանթով: Վերքը կա, ցավը կա, հայրենակարոտությունը կա. սա այլևս հարցադրում չէ իր համար՝ ուղղված աշխարհին, սա իրականություն է և բանաստեղծն իր կարծիքն ունի այդ իրականության մասին: Այդ կարծիքը նրա տարբեր բանաստեղծությունների մեջ տարբեր նրբերանվներով է արտահայտվում:

Այսպես, «Նոր շարական» բանաստեղծության մեջ դիմելով նազովրեցուն, Որբերյանը նրա անլուր շարժարանների հետ է համեմատում հայության կրած տառապանքը և հին ու նոր տարիների զնալ-գալու մասին խոհով հյուսում մի խորիմաստ «շարական», որը ոչ թե Աստծո ու Քրիստոսի

մասին է, ոչ թե սրբերի մասին, այլ հայ ժողովրդի տառապանքի մասին, այն հայի, որի համար՝

«Տեր Ողորմեաս» եղավ անհուն մի բողոք,
Ու շարականըս՝ անեծքի սև փրփուր...⁶

Բանաստեղծությունը քննադատական խոսք է՝ ուղղված եկեղեցու դեմ։ Նրանում «տեր ողորմեան» մի բողոք է դառնում։ Չնայած «սև փրփուրի» մոռյլ տրամադրությանը, և չնայած բանաստեղծության առաջին տխուր տողերին, բանաստեղծությունը ավարտվում է հաստատ ցանկությամբ ու հավատով, որ

Մեր երզն հովերն առին, տարին,
Կոշին թող դա նոր պատասխան.
«—Տենչերու հետ հույսին նման,
Ավետեցեք Հայաստանին,
Հին վիշտերու դնաց տարին,
Արդարության եկավ տարին...»:

Բանաստեղծության գաղափարական բովանդակությունը այն է, թե բավական են աղոթածն խնդրանքները, թող հստակ կերպարանք ստանա իղձը, երազանքը:

«Նոր շարական» երգն աչքի է ընկնում բանաստեղծական հնչեղությամբ, սահունությամբ ու ազատ ոճով։ Այդ յամբական երկանդամ ութվանկանի տողերի, ուժեղ հանգերի, կրկնությունների ու պարզ պատկերավորության արդյունքն է:

Որ կյանքին բաց աչքերով պետք է նայել, որ կյանքը այլևս պատրանք չէ, մեկ այլ ձևով է արտահայտել բանաստեղծը «Արուսյակիս» բանաստեղծության մեջ⁷: Իր դստեր՝ Արուսյակի ծննդյան տոնին Որբերյանը Մյուսեի մի գիրքը նվիրելով, շապիկի վրա մի բանաստեղծություն է գրում։ Նրանում կյանքի պայծառ ապագայի հավատով ու ջերմությամբ լցված բանաստեղծն իր դստերը կտակում է այն վաղը, որը, հաստատ համոզումով, լավն է լինելու, գեղեցիկ։ Այդ լավը ցնորք չէ, մշուշ չէ. «Վաղը պատրանք մը չէ, Մյուսե»։ Բանաստեղծությունն աչքի է ընկնում իր կառուցվածքով. յուրաքանչյուր տան վերջին տողը կրկնվում է որպես նոր տան առաջին տող և դրա հետևանքով բանաստեղծությունը կարդացվում է մի շնչով, աշխույժ։ Այդ աշխույժությունը թեթև է, անհոգ, և կարծես բխում է այն ուրախությունից, որ վաղն, իսկապես, լավն է լինելու:

Բանաստեղծի աշխարհահորիզոնի մի անբաժան մասն է հայրենակարոտությունը և շրնկճվելու, մինչև վերջ պայքարելու, օտարին դիմագրավելու մտայնությունը։ Այստեղ է, որ Որբերյանը իր կյանքով ու ստեղծագործությամբ դառնում է մի լավագույն օրինակ սփյուռքահայության համար:

Այլոց թվում Որբերյանն էլ է տեսնում սփյուռքահայության «մաշվելը տարագրության ճամփաներուն վրա»։ Տեսնում ու ցավում է ոչ պակաս, քան

⁶ «Հայաստանի կոչնակ», 1928, լ. 46:

⁷ Թ և ո գ ի կ, Ամենուն տարեցույց, 1927, էջ 473:

ուրիշները: Բայց նա հուսալքման շեշտներով չի մոտենում հարցին, այլ հայությունը կորցնելու վախվորիկ տրամադրությունը իբրև դեղատոմս հրամցնում է իր՝ հայրենիքի նկատմամբ մեծ սիրով ու հավատով լցված ստեղծագործությունը: Նրա կարծիքով, ամենից առաջ պետք է այնպես անել, որ հուսալքումը չլինի սփյուռքահայի ուղեկիցը, այլ՝ հավատը: Կյանքի դժվար ճամփաներին, ինչ էլ որ լինի, այդ ճամփաների վրա դեռևս դեգերում է «առողջ սերունդ մը», որ կոչված է հայ կյանքը շարունակելու: Պետք է անմար պահել «հավատի բոցը», մինչև հայրենիք վերադառնալու քաղցր վայրկյանը: Իսկ դա ուշ չի լինի, որովհետև հայ ժողովուրդն ունի արդեն իր ազատ հայրենիքը Արագածի լանջերին, Խորհրդային Հայաստանը:

Եթե Որբերյանը չի ուզում տեսնել սփյուռքահայության հուսալքությունը, ապա այդ չի նշանակում, որ նա չի տեսնում այն դառն իրողությունը, որ ի վերջո Եվրոպան կլանելու է նրանց. քանի ուշ չէ, պետք է բռնել տունդարձի ճանապարհը, դեպի Խորհրդային Հայաստան, որը «կը վերածաղկի այսօր»:

Որբերյանը տեսնում էր սփյուռքահայության հետագա ճակատագիրը և ճշմարիտ ճանապարհը նրա հետագա կյանքի: Դրան են նվիրված Որբերյանի կյանքն ու ստեղծագործությունը՝ վերջին տասնամյակում, մասնավորապես նրա «Համրիչ»⁸, «Ս. Աստվածածին»⁹, «Հին տնակս»¹⁰, «Շանթի որդին ըլլալ»¹¹, «Հոպարին դասը»¹², «Անդրանիկ», «Հայրենիքի խնձորներ», «Մարիանիս»¹³ և այլ բանաստեղծություններ:

Երկար է թափառել բանաստեղծը, արևներ են այրել նրա ճակատը, ամեն տեղ նոր տուն է շինել, ու, որքան էլ լավն են եղել այդ վայրն ու տունը, դրանք չեն հմայել իրեն, նրան իր հին տնակն է կանչում՝ Մասիսի ստորոտում, Տավրոսին հանդիման: Ու բանաստեղծը անկեղծորեն իր սրտի խոսքն է հղում հին, հայրենի տնակին:

Բուրաստաններ ամեն տեղ կան
Գեղափթիթ ծաղիկներով,
Նույն աստղերը, նույն լուսնկան,
Նույն թռիչն ունեն զեփյուռն ու ծով:
Լոկ դուն շիկաս սարերուն վրա:
Ամայացած տունս հայրենի,
Քեզի համար հոգին կուլա,
Ղարիպին սիրտն ալ կ'արյունի...

Պանդխտության թեման ձուլված է Որբերյանի հայրենակարոտության թեմային, նույնանում է նրա հետ: Իրոք, պանդխտի սիրտը արյունով է լցված, հայրենիքի մաշող կարոտի արյունով: Բայց որտեղ էլ որ լինի հայը, պետք է վառ պահի իր հավատը, որովհետև «վաղանցուկ են վիշտն ու պատրանքն աշխարհին», որովհետև, ըստ Որբերյանի, հայի իդեալ-երազը արդեն վերա-

8 «Արագած», Փարիզ, 1926, հունվար:

9 «Հայաստանի կոչնակ», 1931, էջ 12:

10 «Ընդարձակ տարեցույց Ս. Փրկիչի հիվանդանոցի». 1930, էջ 269:

11 «Զեռագիր» ՀՍՍՌ ԳԿ՝ գրականության և արվեստի թանգարան:

12 «Յուզարար», Նյու-Յորք, 1962, ապրիլի 15:

13 Սրանք ձեռագիր են և գտնվում են մեզ մոտ:

ցական չէ, այլ կոնկրետ, մարմին առած խորհրդային Հայաստան—Հայրենիքի Դրա կարոտն է մաշում նրան լուսավորյալ Եվրոպայում, և նրա մեջ Կովկասից բերված հասարակ խնձորներն էլ արթնացնում են կարոտի փոթորիկը և՛

Բանաստեղծին սրտին համար տրոփուն
Արշալույս մը բերին անհուն ու անծիր....
...Կովկասեն նոր հասեր էին, ըսիր դուն:
—Խորհրդային ու քաղցրահամ Հուլյսին պես...
(«Հայաստանի խնձորներ», ձևագիր):

Բանաստեղծի համար թանկագին են այդ խնձորները, որովհետև՝

Հայուն արեն է նկարեր իրենց դույն,
էջմիածնի ու Սեանի խնկաբույր
Հովն է հպեր անոնց աղվոր այտերուն,
Բանաստեղծը ճակատը մակ, սլացող,
Կը սեևոի իր հույսերուն անցյալին,
Արևելքեն կարմիր շողեր կը փայլեն....
—Մղձավանջը ու մռայլը ղաղրին թող,
Մայր, զավակներդ կարոտովդ կը մաշին...
...Եվ աչքերես հուշիկ-հուշիկ կը թափեն
խնձորներուդ կարմիրին վրա
Ուր նոր երազ մը կերերա,
Պանդուխտներուն արցունքները իբրեւ ցող...

1926 թ. գրված այս տողերը որոշակիորեն բնութագրում են Որբերյանի հայացքները հայության հետագա ճակատագրի մասին: Պանդուխտները ուրախության արցունքներով են դիտում «նոր երազը», որ պարզորոշ է՝

«Արևելքեն կարմիր շողեր կը փայլեն»...

Բանաստեղծի հաստատ հավատը զորավիզ է դառնում սփյուռքահայությանը: Նա պատգամում է իր փոքրիկ բարեկամին («Հոբարին դասը»), երբեք չմոռանալ հորն ու Հայրենիքը, հային:

Սիրելի հորն ու Հայրենիք, սիրելի կյանքն ու Հայրենիքի հերոսներին, այս է ուսուցանում Որբերյանը իր մի շարք բանաստեղծություններում: Մի զոդտրիկ ու խորիմաստ բանաստեղծություն է դրանցից մեկը, որ նվիրված է ազգային հերոս Անդրանիկին, նրա թաղման օրը: Որբերյանը լավ է ըմբռնել հայրենասեր զորավարի էությունը, թե ինչի՞ համար էր նա պայքարում իր ամբողջ կյանքում, ինչի՞ համար նա հանդիստ շունն էր: Եվ որպեսզի այժմ գոնե հանդիստ հանդի, պետք չէ նրան ինչ-որ կոթող, այլ՝

Եվ որպեսզի հերոսն հանդի քիչ մ'ատեն
Բարեկամներ դադաղին վրա նետեն թող
Հայաստանի ափ մը հող:

Բանաստեղծության մեջ սրտաբուխ գովերգում կա իսկական հերոսի հասցեին ու պատգամ իր ժողովրդին՝ նրա պես ապրել:

Որբերյանի այս գործերն ինքնանպատակ չեն։ Նա ստեղծագործում էր ներքին մղումով և պահանջ էր դրում իր իղևալը, գաղափարը հաղորդել բոլորին, ուզում էր օգնել իր ժողովրդին։ «Խոհալս» բանաստեղծության մեջ նա ասում է, որ չի ուզում լինել ոչ քանդակագործ, ոչ դերասան, ոչ հռետոր. ինքը ծնվել է բանաստեղծ, և դա նրան մղել է իր իղևալը՝ «կյանքի բոցակեղ սլացքից» ներշնչված։ Եվ եթե ինքը մեռնի, իսկ նրդերը կյանք ունենան, կսլանան արտևիրտ, ու նորեն կապրի իր իղևալը։

Ժամանակը կը խամրի վարդ, հիշատակ,
Այլ սրտի սիրտ եթե երգերն իմ սլանան,
Պիտի հանդչիմ իմ մոռացված շիրիմին տակ,
Անոնց մեջ դուն պիտի ապրես հավիտյան...¹⁴

Որբերյանի վերջին շրջանի բանաստեղծություններն էլ զգայուն ու մտա-
ձուղ սրտի արդասիք են և նախորդ շրջանի օրգանական շարունակությունը։
Միայն թե կյանքի նոր շրջանը կյանքի նկատմամբ նոր հայացքներ է ներ-
դրել այդ բանաստեղծությունների մեջ։ Դրանք վկայում են, որ բանաստեղծը
կանգնում է իր ժամանակի առաջավոր մտավորականների շարքում։ Որբեր-
յանը ճիշտ և առաջիններից է պատասխանում պատմական այն հարցին, թե
օտար ավերում հայության ձուլման վտանգի միակ փրկությունը՝ հայ ոգին
ամուր պահելու և հորհրդային Հայրենիք վերագաղնալու մեջ է։

«Բաց գիրկդ, Մայր, քու սիրազեղ գիրկընդխառնումիդ և անուշ համ-
բույրիդ կարոտով ալ բալ մխացին ու այրեցան մեր հողիններ...», — գրում էր
Որբերյանը։

Մայր Հայրենիքի գիրկը բաց է, և ջերմագին ընդունում է այսօր իր տարա-
դիր զավակներին։ Սփյուռքահայերի բազմաթիվ քարավաններ վերջնական
հանգրվան են գտնում Մայր Հայրենիքում։

В. А. Габриелян

РУБЕН ВОРБЕРЯН И ВСЕОБЩАЯ РЕПАТРИАЦИЯ АРМЯН

(Р е з ю м е)

Творчество талантливого западноармянского поэта Рубена Ворберяна проникнуто глубоким патриотизмом и гуманностью, которые по достоинству были оценены такими крупными художниками слова, как Ов. Туманян, Д. Варужан, Врт. Папазян и другие.

Данная статья посвящена рассмотрению литературно-общественной деятельности и мировоззрения Р. Ворберяна в последний период его жизни (1920—1931). Он в этот период приходит к выводу, что только Советская Армения может стать родиной всех армян, разбросанных по всем континентам мира.

Это исключительно передавая идея для 20-х годов, и Ворберян, по праву, считается одним из представителей социалистического возрождения армянской литературы.

¹⁴ «Ընդարձակ տարեցույց Ս. փրկչի հիվանդանոցի», 1930, էջ 260։

Ворберян понял, что только Советская Армения может быть истинной родиной всего армянского народа.

Эта тема и доминирует в этот период в творчестве поэта-патриота («Яблоки родины», «Заветное посещение», «Новый псалом», «Протест», «Мое слово» и др.).

Велико значение творчество Ворберяна для армянской литературы в особенности своей тематикой (патриотизм, освобождение родины от турецких и других иноземных поработителей, возврат на родину эмигрантов армян и т. д.).

Творчество Ворберяна для нас приобретает актуальное значение, так-как лишь сегодня осуществляются мечты поэта-патриота—репатриация армян.

Воспевая в своих многочисленных статьях и стихах молодую советскую республику, он призывает всех своих собратьев (сам он тогда жил во Франции) репатриироваться в Советскую Армению и принять активное участие в строительстве новой, свободной жизни.